

# TUZAMK PRESS

press release tuzlanskog auto moto kluba

# 10 - januar 2012.

## AKCIJA "VEŽITE SE, SIGURNOSNI POJAS SPAŠAVA ŽIVOT" U TUZLI

Aktivnosti vezane za dekadu akcije za cestovnu sigurnost koju u okviru sveukupno aktivnosti FIA u BiH provodi BIHAMK, započela je akcijom podjele letaka pod nazivom "Vežite se, sigurnosni pojasa spašava život". Akcija je provedena u većini bosanskohercegovačkih gradova sa ciljem da se ukaže na potrebu vezivanja sigurnosnog pojasa i korištenja auto sjedalica, jer prema statistici 80% svih nezgoda događa se u krugu 40 km od kuće vozača, kao i 80% svih vozača ne prevozi svojim djecu na siguran način.

U okviru ove akcije u Tuzli ekipa Tuzamka izvršila je podjelu oko 4.000 letaka u kojima je precizno i veoma pristupačno objašnjena potreba upotrebe sigurnosnog pojasa, ali i ukazano na korištenje drugih sigurnosnih sredstava kao što su auto sjedalice za djecu svih uzrasta, te ukazano i na zakonsku regulativu ove oblasti.

Letci su dijeljeni na dvije lokacije i to : Brčanska Malta kod Male pijace koja je najprometnija raskrsnica kada su u pitanju i pješaci i vozači i raskrsnica kod Doma zdravlja koja ima prometne pješačke prelaze zbog lokacija nekoliko škola i naselja Slatina.

Nakon toga izvršena je distribucija letaka na vjetrobranska stakla na automobilima u naseljima Stupine i Sjenjak.



# NOVO PRIZNANJE ZA ALMIRA BAJRIĆA



U toku januara stiglo je novo priznanje za **Almira Bajrića** najmlađeg takmičara Tuzamka koji je u organizaciji Ministarstva obrazovanja nauke kulture i sporta na proglašenju najboljih sportista Tuzlanskog kantona dobio značajno priznaje u veoma snažnoj konkurenciji . Almiru Bajriću dodijeljeno je drugo mjesto u kategoriji kadeta. Almir Bajrić u posljednjih nekoliko godina pokupio je skoro sva prva mjesta u karting takmičenjima, a osvajač je i zlatne kacige u karting kupu kao trostruki uzastopni šampion. Priznanje je očigledno stiglo u prave ruke.

## AKCIJA ZIMA 2011

Tradicionalna akcija ZIMA 2011 provedena je u radionici Kluba u periodu od 14. do 30. novembar 2011 godine.

Akcija je obuhvatala pregled pripremljenosti vozila za zimske uslove saobraćaja , tako da su u okviru akcije na svakom vozilu izvršena kontrola tekućina (tekućine za hlađenje, tekućinu akumulatora, motorno ulje,...), pneumatika (pritisak, dubinu profila, opšti izgled i stanje,...), svjetala i svjetlosne signalizacije sa kontrolnim i signalnim uređajima (stop svjetla, pokazivači pravaca, duga svjetla, kratka svjetla, svjetla za vožnju unazad, ...), uređaja i opreme koji omogućuju normalnu vidljivost iz vozila (prozori i stakla, vozačka ogledala, uređaj za provjetravanje i zagrijavanje vozila, ... ), uređaja za upravljanje te izvršena kontrola obavezne i zimske opreme.

Cilj akcije bio je utvrditi nivo tehničke is-

pravnosti voznog parka u Federaciji BiH i Distriktu Brčko.

Za svako kontrolisano i pregledano motorno vozilo popunjeno je obrazac "Formular pregleda i dijagnostike vozila", a na osnovu kojih su grupisani nedostaci na vozilima. Ukupno je u okviru akcije pregledano 1.261 vozilo od čega je ustanovljena neispravnost na 590 motornih vozila što čini 46,8 %, a ispravno je bilo 671 motorno vozilo tj. 53,2 %.

Nakon analize rezultata akcije utvrđeno je da se najveći broj neispravnosti uočenih tokom trajanja akcije odnosi na neispravnosti na motoru i pratećim uređajima sa učešćem od 25,9 %, zatim na pneumaticima 24,6%, dok su na trećem mjestu neispravnosti na kočionom sistemu sa učešćem sa 19,15%. Opšti zaključak stanje voznog parka je nezadovoljavajuće.

# PROGLAŠENJE NAJBOLJIH "NESTRO KARTING KUP-A 20011"



Na završnoj svečanosti proglašavanja automobilista godine u organizaciji Auto Medija group uručena su priznanja i pobednicima "Nestro karting kupa 2011". U okviru ovog kupa sa uspjehom na svim takmičenjima učestvovali su i vozači Tuzamka.

Na prigodnoj svečanosti u uspješnoj organizaciji Auto media Group uručena su priznanja i proglašeni najbolji.

Vozači Tuzamka postigli su odlične rezultate. U klasi 1 - **Almir Bajrić** je bio prvi, a **Jamin Nišić** treći. U klasi 2 **Adil Smajić** zauzeo je prvo mjesto. U klasi 3 **Denis Tulumović** je bio drugi a **Zijad Lonić** treći i u klasi 4 **Denis Tulumović** je bio prvi.

# KLUPSKI REZULTATI ZA 2011. GODINU

Plas.	Prezime i ime	Ukupno
1	Muhić Sejfo	61
2	Bešlagić Amir	46
3	Drobina Aleksandar	44
4	Atiković Nihad	33
5	Atiković Nedim	22
6	Pavkov Zoran	22
7	Suljetović Adelhaid	18
8	Japundžija Alekса	17
9	Dokoza Stojan	14
10	Dokoza Zoran	13
11	Damadžić Adnan	12
12	Gavrilović Marko	12
13	Brkić Sava	10
14	Obradović Ivan	9
15	Grbić Emir	8
16	Atiković Zlatan	8
17	Ekmešić Nikola	8
18	Šaranović Asmir	8
19	Staković Jadranka	7
20	Bešlagić Adil	7

Plas.	Prezime i ime	Ukupno
21	Hodžić Alen	6
22	Malkočević Mirhad	4
23	Halilović Elmedin	4
24	Begović Eldar	3
25	Šimić Vedran	2
26	Jusufović Mirza	1
27	Drobina Ivana	1

Na osnovu bodovanja svih takmičenja u 2011. godini utvrđen je plasman takmičara za ovi sezonu na osnovu bodovanja sedam OSV takmičenja uključujući i međunarodno takmičenje u Slavonskom Brodu.

Najbolji klupske takmičar u sezoni 2011. je **Muhić Sejfo**, a za njim slijede Bešlagić Amir i Drobina Aleksandar (Sombor). Muhić Sejfo već po drugi puta osvaja titulu najboljeg takmičara Tuzamka-a. Karakteristika sezone 2011. je bila je što je za ekipu Tuzamka nastupalo 9 takmičara iz Srbije i to iz Sombora i Bajine Baštete.

Plavom bojom označeni su takmičari koji su za 2011 imali takmičarske licence BiH-AMK-a, a samim tim i plasman u Šampionatu BiH.



PRESS RELEASE TUZLANSKOG AUTO MOTO KLUBA. TEKSTOVI I FOTOGRAFIJE URADILI ČLANOVI SPORTSKA I SAOBRAĆAJNE SEKCije. ŠTAMPA : TUZAMKTURING TUZLA